



Službeni glasnik

općine Tuzla

GODINA XLVI

23. JUNI 2009. GODINE

BROJ 6

I AKTI OPĆINSKOG VIJEĆA TUZLA

1

Na osnovu člana 13. Zakona o principima lokalne samouprave („Službene novine Federacije Bosne i Hercegovine“, broj 49/09.), člana 26. Statuta općine Tuzla („Službeni glasnik općine Tuzla“, broj 2/99., 9/00. i 2/08.), a u vezi sa članom 106. Poslovnika Općinskog vijeća Tuzla („Službeni glasnik općine Tuzla“, broj 7/05.), Općinsko vijeće Tuzla, na sjednici od 22. juna 2009. godine, donosi

ODLUKU

o objavljivanju općinskih propisa i drugih akata u „Službenom glasniku Općine Tuzla“

Član 1.

Propisi i drugi opći akti Općinskog vijeća, Općinskog načelnika i drugih organa Općine Tuzla, objavljuju se u „Službenom glasniku Općine Tuzla“ (u daljem tekstu: „Službeni glasnik“), na način i pod uvjetima propisanim ovom Odlukom.

Član 2.

U „Službenom glasniku“ se objavljuju:

1. Statut, poslovnik, budžet, završni račun, program rada, pravilnici, odluke, naredbe, uputstva, rješenja i deklaracije Općinskog vijeća Tuzla (u daljem tekstu: Općinsko vijeće), a zaključci i drugi akti Općinskog vijeća Tuzla, ako je u aktu izričito određeno da će se objaviti u „Službenom glasniku“.
2. Odluke, rješenja, naredbe i uputstva Općinskog načelnika, a planovi i programi rada i drugi opći akti Općinskog načelnika, ako je aktom izričito određeno da se će se objaviti u „Službenom glasniku“.
3. Rješenja, pravilnici, naredbe i uputstva općinskih organa uprave i općinskih organizacija, stručnih i drugih službi i drugih organa Općine Tuzla, pod uvjetom da je u aktu izričito određeno da će se objaviti u „Službenom glasniku“.
4. Naredbe, rješenja, uputstva i drugi opći akti Općinskog štaba civilne zaštite, ako se posebno odredi da će se oni objaviti u „Službenom glasniku“.
5. Akti Općinske izborne komisije Tuzla za koje ona odredi da će se objaviti u „Službenom glasniku“.

6. Poslovnici, pravilnici i drugi opći akti komisija Općinskog vijeća Tuzla, u kojima je izričito određeno da se imaju objaviti u „Službenom glasniku“.
7. Ispravke propisa i drugih akata kada se utvrdi da tekst objavljen u „Službenom glasniku“ ne odgovara izvornom tekstu.
8. Ostali akti kada je to predviđeno Zakonom, Statutom Općine Tuzla ili drugim propisima.

Član 3.

U „Službenom glasniku“ se mogu objaviti i opći akti pravnih lica čiji je osnivač Općina Tuzla, kojima se uređuju prava i obaveze građana ili pitanja od javnog interesa, pod uvjetom da se ne objavljuju u „Službenom glasniku Bosne i Hercegovine“ ili „Službenim novinama Federacije Bosne i Hercegovine“ ili „Službenim novinama Tuzlanskog kantona“ i da je istima izričito određeno da će se objaviti u „Službenom glasniku“.

Troškove objavljivanja akata iz prethodnog stava ovog člana snosi pravno lice, koje traži da se objave njihovi akti.

Član 4.

U „Službenom glasniku“ se mogu objavljivati i konkursi i oglasi, koje raspisuje ili objavljuju organi Općine Tuzla iz člana 2. ove Odluke, kada je Zakonom, Statutom Općine Tuzla ili općinskim propisom izričito određeno, da će se objaviti u „Službenom glasniku“.

Član 5.

Propisi i drugi akti organa Općine Tuzla iz člana 2. ove Odluke (u daljem tekstu: propisi), objavljuju se u „Službenom glasniku“ u tekstu koji je utvrdio organ koji ga je donio.

Član 6.

O objavljivanju općinskih propisa u „Službenom glasniku“, stara se Stručna služba Vijeća (u daljem tekstu: Stručna služba).

Član 7.

Prije dostavljanja propisa na objavljivanje u „Službenom glasniku“, Stručna služba je ovlaštena da izvrši otklanjanje jezičko-pravopisnih i drugih formalnih, stilskih i gramatičkih

nedostataka, odnosno izvrši redaktorski pregled, uređenje i lektorisanje propisa u pripremnoj fazi štampanja i publikovanja „Službenog glasnika“.

Ukoliko se pojavi sumnja da li se radi o formalnom nedostatku ili o suštinskom pitanju, Stručna služba je dužna zatražiti mišljenje od Komisije za statutarne pitanja i propise Općinskog vijeća Tuzla (u daljem tekstu: Komisija), o tome koji je tekst autentičan i koji će se objaviti u „Službenom glasniku“.

Komisija će u roku od tri dana od dana prijema zahtjeva odlučiti o spornom pitanju.

Član 8.

O blagovremenom dostavljanju propisa Stručnoj službi, radi objavljivanja u „Službenom glasniku“, staraju se organi Općine Tuzla iz člana 2. ove Odluke, koji su predlagači propisa.

Član 9.

„Službeni glasnik“ izlazi po potrebi.

Općinski propisi doneseni na sjednici Općinskog vijeća, po pravilu, objavljuju se u prvom narednom broju, a najkasnije u roku od petnaest dana od dana održavanja sjednice.

Općinski propisi doneseni od strane Općinskog načelnika, objavljuju se u prvom narednom broju, vodeći računa o racionalnom korištenju prostora u „Službenom glasniku“.

Propisi iz prethodnog stava ovog člana, od momenta njihovog donošenja do momenta objave u „Službenom glasniku“, obavezno će se istaknuti na oglasnoj ploči Općine Tuzla.

Član 10.

Stručna služba utvrđuje koji će se propisi objavljivati u pojedinim brojevima i redosljed po kome će se propisi objavljivati.

Član 11.

Kada se u „Službenom glasniku“ objavljuju propisi za koje je ovom Odlukom određeno da njihovo objavljivanje nije obavezno ili da se objavljuju po zahtjevu, Stručna služba će preduzeti mjere da se oni objave što prije, vodeći računa da se prostor u „Službenom glasniku“ što racionalnije koristi.

Član 12.

Stručna služba određuje u koliko će se primjeraka štampati pojedini broj „Službenog glasnika“, vodeći računa da se „Službeni glasnik“ u kojem se objavljuju propisi neophodni u radu većem broju uposlenika Općine Tuzla, publikuje u dovoljnom broju primjeraka u zavisnosti od obezbijeđenih sredstava, kao i potreba organa uprave i upravnih organizacija, stručnih i drugih službi i drugih organa Općine Tuzla.

U slučaju iz prethodnog člana, Stručna služba će pretplatnicima dostaviti odgovarajući broj „Službenog glasnika“, s tim što će za potrebe Općine Tuzla i njenih službi zadržati dovoljan broj primjeraka.

Član 13.

„Službeni glasnik“ se dostavlja vijećnicima Općinskog vijeća Tuzla, Općinskom načelniku, općinskim organima uprave i upravnim organizacijama, stručnim i drugim službama i drugim organima Općine Tuzla.

„Službeni glasnik“ u kojem se objavljuju propisi Općine Tuzla i njenih organa, dostavlja se pretplatnicima u dovoljnom broju primjeraka.

Član 14.

Cijena „Službenog glasnika“ za pretplatnike obuhvata troškova štampanja istog.

Član 15.

O blagovremenom dostavljanju „Službenog glasnika“ korisnicima, stara se Stručna služba.

Član 16.

Stručna služba svake godine, u skladu sa Zakonom o javnim nabavkama Bosne i Hercegovine i podzakonskim aktima donesenim na temelju navedenog Zakona, provodi postupak odabira pravnog lica sa kojim će se zaključiti poseban godišnji ugovor o pružanju usluga štampanja „Službenog glasnika“.

Ugovorom iz prethodnog stava, utvrdit će se način i uslovi redovnog štampanja i publikovanja „Službenog glasnika“.

Ugovorom iz stava 1. ovog člana, obezbijedit će se da općinski propisi blagovremeno stupe na snagu i da se mogu primjenjivati u što kraćem roku nakon donošenja.

Član 17.

Građanima, predstavnicima preduzeća i drugih pravnih lica, obezbjeđuje se da u Službi mogu izvršiti uvid u „Službeni glasnik“.

Član 18.

„Službeni glasnik“ će se objaviti i na web stranici Općine Tuzla.

O objavljivanju „Službenog glasnika“ na web stranici Općine Tuzla, stara se Služba za zajedničke poslove.

Član 19.

Stupanjem na snagu ove Odluke prestaje da važi Odluka o objavljivanju općinskih propisa i drugih akata („Službeni glasnik općine Tuzla“, broj 2/93.).

Član 20.

Odluka stupa na snagu osmog dana od dana objavljivanja u „Službenom glasniku Općine Tuzla“.

OPĆINA TUZLA
Općinsko vijeće
Broj: 01-05-3853-2009
22. juni 2009. godine

PREDSJEDAVALA
Nada Mladina

2

Na osnovu člana 13. stav 2. Zakona o principima lokalne samouprave („Sl. novine Federacije BiH“, broj 49/05.), člana 26. Statuta općine Tuzla („Sl. glasnik općine Tuzla“, broj 2/99., 9/00. i 2/08.), Općinsko vijeće Tuzla, na sjednici od 22. juna 2009. godine, donosi

**ODLUKU
o izmjenama i dopunama Odluke o javnim
priznanjima Tuzle**

Član 1.

U članu 2. iza stava 2. Odluke o javnim priznanjima Tuzle („Sl. glasnik općine Tuzla“, broj 10/07. i 5/08), (u daljem tekstu Odluka), dodaje se novi stav 3., koji glasi

„Javna priznanja se mogu dodjeljivati građanima, drugim licima i institucijama koji rade van područja općine Tuzla, udruženjima, ustanovama, privrednim društvima i drugim privrednim licima koji svojim djelovanjem i radom značajno doprinose razvoju općine Tuzla, afirmaciji njenih interesa, kao i radi odavanja počasti i zahvalnosti.“

Član 2.

U članu 13. stav 1. Odluke, iza alineje 1., dodaju se nove alineje 2., 3. i 4., koje glase:

- „naročit doprinos u ostvarivanju zaštite na radu i zaštite okoline,
- naročit doprinos u radu humanitarnih organizacija (npr. višestruki davalac krvi, poznati humanisti i sl.) i
- mjerljiv doprinos spašavanju ljudskih života i imovine.“

Član 3.

Priznanje Počasni građanin Tuzle se može dodjeljivati u toku cijele godine na prijedlog Općinskog načelnika ili Komisije za odlikovanja i priznanja, mimo procedure utvrđene odredbama člana 19. do 27. ove Odluke.

Član 4.

Iza člana 14. Odluke, dodaje se novi član 14.a, koji glasi:

„Član 14 a

Zahvalnica se može dodjeljivati u toku cijele godine, bez raspisivanja javnog konkursa, na prijedlog Općinskog načelnika ili Komisije za odlikovanja i priznanja.“

Član 5.

U članu 22., stav 1. Odluke, alineja 3. se briše.

U članu 22., stav 1. Odluke, dosadašnje alineje 4., 5. i 6. postaju alineje 3., 4. i 5.

Član 6.

U članu 25. stav 2. Odluke, alineja 5. se briše.

U članu 25. stav 2. Odluke, dosadašnja alineja 6. postaje alineja 5.

Član 7.

U članu 31., iza stava 2. Odluke, dodaje se novi stav 3. koji glasi:

„Javno priznanje se može opozvati na prijedlog Komisije za odlikovanja i priznanja, Odlukom Općinskog vijeća, u slučajevima kada dobitnik priznanja svojim ponašanjem, djelovanjem, javnim istupom, govorom ili na neki drugi način narušava ugled i dignitet općine Tuzla“

Član 8.

Ovlašćuje se Komisija za statutarna pitanja i propise da, u roku od 90 dana od dana stupanja na snagu ove Odluke, pripremi i Općinskom vijeću Tuzla dostavi prečišćeni tekst Odluke o javnim priznanjima Tuzle („Sl. glasnik općine Tuzla“, broj 10/07. i 5/08.).

Član 9.

Odluka stupa na snagu danom objavljivanja u „Službenom glasniku Općine Tuzla.“

OPĆINA TUZLA
Općinsko vijeće
Broj: 01-05-3854-2009
22. juni 2009. godine

PREDSJEDAVALA
Nada Mladina

3

Na osnovu člana 4. Zakona o prometu nepokretnosti („Službeni list SRBiH“, broj 38/78, 4/89, 29/90. i 22/91) i („Službeni list RBiH“, broj 2/92, 3/93, i 18/94), te člana 26. Statuta općine Tuzla („Službeni glasnik općine Tuzla“, broj 2/99, 9/00, i 2/08), Općinsko vijeće Tuzla, na sjednici od 22. juna 2009. godine, donosi

**ODLUKU
o promjeni statusa nepokretnosti**

Član 1.

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 161/3, put Javno dobro, površine 63 m², upisana u z.k. ulošku – Iskaz I, KO Slavinovići, Javno dobro (po novom premjeru parcela označena kao: k.č. broj 583/20, zv. “krčevina begove bare”, u kulturi prilazni put, površine 63 m², upisana u posjedovni list broj 218 KO Slavinovići, društvena svojina, korisnik: Putevi Tuzla, sa 1/1).

Član 2.

Zemljišno-knjižni ured Općinskog suda u Tuzli, na zemljištu opisanom u članu 1. ove Odluke, u zemljišnoj knjizi, brisat će sve ranije izvršene upise i isto upisati kao: društvena/državna svojina sa 1/1 – pravo raspolaganja u korist Općine Tuzla sa 1/1.

Član 3.

Odluka će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01/07-31-9021/08-I
22. juni 2009. godine

PREDSJEDAVALA
Nada Mladina

4

Na osnovu člana 26. Statuta općine Tuzla (“Službeni glasnik općine Tuzla”, broj 2/99.) a u vezi sa članom 4. Zakona o prometu nepokretnosti (“Službeni list SRBiH”, broj 38/78, 4/89, 29/90. i 22/91.) i (“Službeni list RBiH”, broj 2/92., 3/93. i 18/94.) Općinsko vijeće Tuzla, na sjednici od 22. juna 2009. godine, donosi

ODLUKU**o promjeni statusa nepokretnosti****Član 1.**

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 13/312, “ekonomsko dvorište”, površine 21 m², upisana u Iskaz III KO Tuzla, društvena svojina sa 1/1, Rudarska knjiga (novi premjer k.č. broj: 373/2 iz posjedovnog lista broj 251 KO Tuzla IV, društvena svojina korisnik Titovi rudnici Kreka “Banovići” - Dobrnja, Dobrnja sa 1/1).

Član 2.

Općinski sud u Tuzli-Zemljišno-knjižni ured, na zemljištu opisanom u članu 1. ove Odluke, u zemljišnoj knjizi, brisaće ranije izvršene upise i isto upisati kao društvena svojina-pravo raspolaganja u korist Općine Tuzla sa 1/1.

Član 3.

Odluka će se objaviti u “Službenom glasniku Općine Tuzla”, a stupa na snagu danom donošenja.

OPĆINA TUZLA
Općinsko vijeće
Broj: 01-07-31-5110/09-I
22. juni 2009. godine

PREDSJEDAVALA
Nada Mladina

5

Na osnovu člana 26. Statuta općine Tuzla (“Službeni glasnik općine Tuzla”, broj 2/99.) a u vezi sa članom 4. Zakona o prometu nepokretnosti (“Službeni list SRBiH”, broj 38/78, 4/89, 29/90 i 22/91), i (“Službeni list RBiH”, broj 2/92., 3/93. i 18/94), Općinsko vijeće Tuzla na sjednici 22. juna 2009. godine, donosi

ODLUKU**o promjeni statusa nepokretnosti****Član 1.**

Utvrđuje se da je izgubilo status dobra u općoj upotrebi zemljište društvene svojine označeno kao:

- k.č. broj 13/313, “ekonomsko dvorište”, površine 21 m², upisana u Iskaz III KO Tuzla, društvena svojina sa 1/1, Rudarska knjiga (novi premjer k.č. broj: 373/3 iz posjedovnog lista broj 251 KO Tuzla IV, društvena svojina korisnik Titovi rudnici Kreka-Banovići-Dobrnja, Dobrnja sa 1/1).

Član 2.

Općinski sud u Tuzli-Zemljišno-knjižni ured, na zemljištu opisanom u članu 1. ove Odluke, u zemljišnoj knjizi, brisaće ranije izvršene upise i isto upisati kao društvena svojina-pravo raspolaganja u korist Općine Tuzla sa 1/1.

Član 3.

Odluka će se objaviti u “Službenom glasniku Općine Tuzla”, a stupa na snagu danom donošenja.

OPĆINA TUZLA
Općinsko vijeće
Broj: 01/07-31-5111/09-I
22. juni 2009. godine

PREDSJEDAVALA
Nada Mladina

6

Na osnovu člana 30. Zakona o premjeru i katastru zemljišta (“Službeni list SRBiH”, broj 14/78.) i člana 26. Statuta općine Tuzla (“Službeni glasnik općine Tuzla”, broj 2/99., 9/00. i 2/08.) Općinsko vijeće Tuzla, na sjednici od 22. juna 2009. godine, donosi

RJEŠENJE**o imenovanju Komisije za izmjenu granica katastarskih općina u Općini Tuzla****I**

U Komisiju za izmjenu granica katastarskih općina Tuzla II i Slavinovići (u daljem tekstu: Komisija), imenuju se

1. Rado Fazlić, dipl.ing.geodezije, predsjednik
2. Dalibor (Slobodan) Perić, član
3. Stjepan (Ivo) Lovrić, član
4. Ahmet (Osman) Mujkić, član
5. Bego (Salih) Hukić, član

II

Zadatak Komisije je da na licu mjesta, na dijelu granice između katastarskih općina Tuzla II i Slavinovići, postavi nove granične biljege kojim će označiti novu granicu katastarskih općina Tuzla II i Slavinovići, iste označi rednim brojevima na dijelu nove granice te istovremeno s ukopavanjem graničnih

biljega sastavi zapisnik o razgraničenju i skicu razgraničenja, a sve na način propisan Pravilnikom o snimanju detalja ("Službeni list SRBiH", broj 4/91).

III

Komisija je dužna da zadatak iz prethodne tačke obavi u roku od dva mjeseca od dostave Rješenja članovima Komisije.

Izuzetno, rok se može prolongirati iz opravdanih razloga (loše vrijeme koje onemogućava rad na terenu), najduže za 30 dana.

Ovlašćuje se Služba za geodetske i imovinsko-pravne poslove da utvrdi postojanje opravdanih razloga.

IV

Za svoj rad članovima Komisije pripada mjesečna naknada i to:

Predsjedniku, u mjesečnom bruto iznosu od 400,00 KM
Članu, u mjesečnom bruto iznosu od 290,00 KM

Pod bruto iznosom naknade, iz prethodnog stava ovog člana, podrazumijeva se neto iznos za isplatu s pripadajućim porezom na dohodak i doprinosom iz naknade za osnovno zdravstveno osiguranje.

V

Rješenje će se objaviti u "Službenom glasniku Općine Tuzla".

OPĆINA TUZLA
Općinsko vijeće
Broj: 01/31-3850/09
22. juni 2009. godine

PREDSJEDAVALA
Nada Mladina

7

Na osnovu člana 30. Zakona o premjeru i katastru zemljišta ("Službeni list SRBiH", broj 14/78). i člana 26. Statuta općine Tuzla ("Službeni glasnik općine Tuzla", broj 2/99. , 9/00. i 2/08.), Općinsko vijeće Tuzla, na sjednici od 22. juna 2009. godine, donosi

RJEŠENJE

o imenovanju Komisije za izmjenu granica katastarskih općina u Općini Tuzla

I

U Komisiju za izmjenu granica katastarskih opština Plane i Kiseljak (u daljem tekstu: Komisija), imenuju se:

1. Mirsad Djedović, dipl.ing.geodezije, predsjednik
2. Ermin (Suada) Hodžić, član
3. Dino (Fuad) Hodžić, član
4. Mustafa (Salih) Spahić, član
5. Zuhdija Aljić, član

II

Zadatak Komisije je da na licu mjesta, od tromede

katastarskih opština Plane, Kiseljak i Husino, postavi nove granične biljege kojim će označiti novu granicu katastarskih opština Plane i Kiseljak, iste označi rednim brojevima počev od tromede katastarskih opština Plane, Kiseljak i Husino, do granice općine Lukavac, te istovremeno s ukopavanjem graničnih biljega, sastavi zapisnik o razgraničenju i skicu razgraničenja, a sve na način propisan Pravilnikom o snimanju detalja ("Službeni list SRBiH", broj 4/91).

III

Komisija je dužna da zadatak iz prethodne tačke obavi u roku od dva mjeseca od dostave Rješenja članovima Komisije.

Izuzetno, rok se može prolongirati iz opravdanih razloga (loše vrijeme koje onemogućava rad na terenu), najduže za 30 dana.

Ovlašćuje se Služba za geodetske i imovinsko-pravne poslove da utvrdi postojanje opravdanih razloga.

IV

Za svoj rad članovima Komisije pripada mjesečna naknada i to:

Predsjedniku, u mjesečnom bruto iznosu od 400,00 KM
Članu, u mjesečnom bruto iznosu od 290,00 KM

Pod bruto iznosom naknade iz prethodnog stava ovog člana podrazumijeva se neto iznos za isplatu s pripadajućim porezom na dohodak i doprinosom iz naknade za osnovno zdravstveno osiguranje.

V

Rješenje će se objaviti u "Službenom glasniku Općine Tuzla".

OPĆINA TUZLA
Općinsko vijeće
Broj: 01/31-3851/09
22. juni 2009. godine

PREDSJEDAVALA
Nada Mladina

8

Na osnovu člana 4. Odluke o davanju u zakup općinskih poslovnih zgrada, poslovnih prostorija i garaža ("Službeni glasnik općine Tuzla", broj 6/04, 5/05, 9/05., 4/06. i 11/06.) i člana 26. i 123. Statuta općine Tuzla ("Službeni glasnik općine Tuzla", broj 2/99. i 9/00.), Općinsko vijeće Tuzla, na sjednici od 22. juna 2009. godine, donosi

RJEŠENJE

o imenovanju predsjednika i članova Komisije za provođenje javnog oglasa o davanju u zakup općinskih poslovnih prostorija

I

U Komisiju za provođenje javnog oglasa o davanju u zakup općinskih poslovnih prostorija, imenuju se:

1. Jusuf Žigić, dipl.pravnik, predsjednik (Služba za razvoj i poduzetništvo)

- Sabina Mešić, dipl.pravnik, zamjenik predsjednika (Služba za razvoj i poduzetništvo)
2. Zdravko Tomić, dipl.ing.tehnol., član (Služba za razvoj i poduzetništvo)
Adema Imamović, dipl.ecc., zamjenik člana (Služba za razvoj i poduzetništvo)
 3. Anela Garčević-Hukić, dipl.pravnik, član (Služba za komunalne poslove, izgradnju i poslove mjesnih zajednica)
Snježana Kovačević, dipl.pravnik, zamjenik člana (Služba za geodetske i imovinsko pravne poslove)
 4. Nevžeta Heganović, dipl.ing.arh., član (Služba za prostorno uređenje i zaštitu okoline)
Muftić Mirzama, dipl.ing.građ. zamj. člana (Služba za komunalne poslove, izgradnju i poslove mjesnih zajednica)
 5. Esmir Spahić, dipl.ecc., član (Služba za razvoj i poduzetništvo)
Mubina Delić, dipl.ecc. zamj. člana (Služba za budžet i finansije)

II

Imenovanje se vrši na period od dvije godine.

III

Zadatak Komisije je da provodi postupak odabira najpovoljnije prijave po javnim oglasima za izdavanje u zakup općinskih poslovnih prostora i pri tome, na javnom otvaranju prijava, da utvrđuje formalnu ispravnost istih te predlaže najpovoljnijeg ponuđača, shodno uslovima iz javnog oglasa. Komisija je dužna voditi zapisnik o svom radu prilikom otvaranja i razmatranja prijava.

IV

Komisija će raditi u toku radnog vremena.

V

Rješenje stupa na snagu danom donošenja, a objavit će se u "Službenom glasniku Općine Tuzla".

OPĆINA TUZLA
Općinsko vijeće
Broj: 01-19-3849-2009
22. juni 2009. godine

PREDSJEDAVAJUĆI
Nada Mladina

9

Na osnovu člana 7. i 10. Odluke o uslovima i načinu dodjele građevinskog zemljišta u državnom vlasništvu ("Službeni glasnik općine Tuzla", broj 6/03, 7/03., 10/05., 6/06., 7/06., 11/06. i 5/07.) i člana 26. Statuta općine Tuzla ("Službeni glasnik općine Tuzla", broj 2/99. i 9/00.), Općinsko vijeće Tuzla, na sjednici od 22. juna 2009. godine, donosi

RJEŠENJE

**o imenovanju predsjednika i članova
Komisije za provođenje javnog konkursa za dodjelu
građevinskog zemljišta**

I

U Komisiju za provođenje javnog konkursa za dodjelu građevinskog zemljišta, imenuju se:

1. Amra Delalić, dipl.pravnik, za predsjednika
2. Amela Zaimović, dipl.pravnik, za zamjenika predsjednika
3. Sabina Begić, dipl.ing.arh., za člana
4. Tomislav Ružić, dipl.ing.građ. za zamjenika člana
5. Mirsad Djedović, dipl.ing.geod. za člana
6. Rado Fazlić, dipl.ing.geod. za zamjenika člana

II

Imenovanje se vrši na period od 2 (dvije) godine.

III

Za svoj rad Komisiji pripada naknada za mjesec u kojem rade u netto iznosu bez pripadajućeg poreza na dohodak i doprinosa iz naknade za osnovno zdravstveno osiguranje, a kako slijedi:

- predsjedniku, netto naknada u visini od 450,00 KM
- članovima, netto naknada u visini od 350,00 KM.

IV

Rješenje će se objaviti u "Službenom glasniku općine Tuzla".

OPĆINA TUZLA
Općinsko vijeće
Broj: 01/31-3855/09
22. juni 2009. godine

PREDSJEDAVAJUĆI
Nada Mladina

10

Na osnovu člana 61. Zakona o građevinskom zemljištu Federacije Bosne i Hercegovine ("Službene novine Federacije BiH", broj 67/05.) i člana 26. Statuta općine Tuzla ("Službeni glasnik općine Tuzla", broj 2/99.), Općinsko vijeće Tuzla, na sjednici od 22. juna 2009. godine, donosi

RJEŠENJE

**o utvrđivanju prava korištenja gradskog
građevinskog zemljišta**

I

Utvrđuje se, u korist Kovačević (Sulejman) Mirsada iz Tuzle, uz naknadu, pravo korištenja radi građenja na gradskom građevinskom zemljištu označenom kao:

- k.č. 527/2, Srpska Varoš, dvorište, površine 53 m², upisana u posjedovni list broj 2154 KO Tuzla II, kao korisnik upisana Općina Tuzla, (po starom premjeru parcela označena kao k.č. 8/698 kućište i dvorište površine 53 m², upisana u zk. uložak broj 779 KO Tuzla, uknjiženo kao Državna svojina s pravom korištenja RSD "Mitar Trifunović Učo" Tuzla, sa 1/1).

II

Kovačević (Sulejman) Mirsad iz Tuzle je obavezan, u roku od 15 dana od dana pravosnažnosti ovog Rješenja, uplatiti naknadu za pogodnost lokacije (rentu) u iznosu od 4726,00 KM i naknadu za zemljište u iznosu od 10600,00 KM, na poseban račun Općine Tuzla – Sredstva za uređenje gradskog građevinskog zemljišta, broj: 3383002200581886, kod “Unicredit Zagrebačka banka” d.d. Tuzla.

III

Nakon pravosnažnosti ovog Rješenja i priloženih dokaza o uplatama iz tačke 2. dispozitiva ovog Rješenja, na nekretninama iz tačke 1. dispozitiva ovog Rješenja, brisat će sve ranije izvršene upise u pogledu prava na njima i iste upisati kao pravo korištenja radi građenja, u korist Kovačević (Sulejman) Mirsada sa 1/1.

IV

Po Zahtjevu Kovačević (Sulejman) Mirsada iz Tuzle, u postupku uplanjenja objekta izgrađenog na zemljištu iz tačke 1. dispozitiva ovog Rješenja, u katastarskom operatu i zemljišnoj knjizi, brisat će se upisi iz tačke 3. dispozitiva ovog Rješenja i na istom upisati pravo vlasništva na objektu i zemljištu pod objektom, te zemljištu koje služi za redovnu upotrebu objekta, u korist Kovačević (Sulejman) Mirsada sa 1/1.

V

Kovačević (Sulejman) Mirsad iz Tuzle je dužan, u roku od 8 (osam) dana od dana prijema ovog Rješenja, na ime naknade troškova postupka, uplatiti iznos od 30,00 KM, na račun Službe za geodetske i imovinsko-pravne poslove općine Tuzla, broj: 132-100-03030100-63, vrsta prihoda 722439 kod NLB “Tuzlanska banka” d.d. Tuzla.

VI

Rješenje će se objaviti u “Službenom glasniku Općine Tuzla”.

OPĆINA TUZLA

Općinsko vijeće

Broj: 01/07-31-7929/07

22. juni 2009. godine

PREDSJEDAVAJUĆI

Nada Mladina

RJEŠENJE**o utvrđivanju prava korištenja gradskog građevinskog zemljišta****I**

Utvrđuje se, u korist Jahić (Nusret) Alena iz Tuzle, uz naknadu, pravo korištenja radi građenja na gradskom građevinskom zemljištu označenom kao:

- k.č. broj: 891/4, zv. “Hudeč”, u kulturi prilazni put, površine 866 m², upisana u posjedovni list broj: 175 KO Bukinje, društvena svojina, korisnik: Putevi Tuzla sa 1/1 (po starom premjeru parcela označena kao k.č. broj: 197/58, pristupni put, površine 866, upisana u el. z.k. uložak broj 1068 KO Husino, državno vlasništvo sa 1/1, sa utvrđenim pravom korištenja u korist općine Tuzla, sa 1/1).

II

Jahić (Nusret) Alen iz Tuzle je obavezan da, u roku od 15 dana od dana pravosnažnosti ovog Rješenja, uplati naknadu za dodijeljeno gradsko građevinsko zemljište poblize označeno u tački 1. istog, u iznosu od 129.900,00 KM, na poseban račun Općine Tuzla – Sredstva za uređenje gradskog građevinskog zemljišta broj: 3383002200581886, kod “UniCredit Bank” d.d. Tuzla, te naknadu za korištenje predmetnog gradskog građevinskog zemljišta (rentu) u iznosu od 42.002,00 KM, na poseban račun Općine Tuzla – Sredstva za uređenje gradskog građevinskog zemljišta, broj: 3383002200581886, kod “UniCredit Bank” d.d. Tuzla.

III

Nakon pravosnažnosti ovog Rješenja, a po prilaganju dokaza o uplati naknade utvrđene u tački 2. dispozitiva Rješenja, po Zahtjevu Jahić (Nusret) Alena iz Tuzle, organi nadležni za evidenciju prava na nekretninama, brisat će ranije izvršene upise na nekretnini poblize opisanoj u tački 1. dispozitiva ovog Rješenja i u pogledu prava na njima iste upisati kao – pravo korištenja radi građenja u korist Jahić (Nusret) Alena iz Tuzle, sa 1/1.

IV

Po Zahtjevu Jahić (Nusret) Alena iz Tuzle, u postupku uplanjenja objekta izgrađenog na zemljištu označenom u tački 1. dispozitiva ovog Rješenja, u katastarskoj i zemljišnoj knjizi evidenciji, brisaće se upisi iz tačke 3. ovog Rješenja i na istom će se upisati pravo vlasništva na objektu i zemljištu pod objektom, u korist Jahić (Nusret) Alena iz Tuzle, sa 1/1.

V

Jahić (Nusret) Alen iz Tuzle je obavezan da, u roku od osam dana od dana prijema ovog Rješenja, na ime naknade troškova postupka, uplati iznos u visini od 300,00 KM, na račun Službe za geodetske i imovinsko-pravne poslove općine Tuzla, broj: 132-100-03030100-63, vrsta prihoda – 722439, kod NLB “Tuzlanske banke” d.d. Tuzla.

Općinsko vijeće Tuzla, rješavajući po Zahtjevu Jahić (Nusret) Alena, zastupanog putem punomoćnika Agić Seada, advokata iz Tuzle, za utvrđivanjem prava korištenja gradskog građevinskog zemljišta, na osnovu članova 4. i 61. Zakona o građevinskom zemljištu Federacije Bosne i Hercegovine (“Službene novine Federacije Bosne i Hercegovine”, broj 67/05), te člana 26. Statuta općine Tuzla, (“Službeni glasnik općine Tuzla”, broj 2/99, 9/00. i 2/08), na sjednici od 22. juna 2009. godine, donosi

VI

Rješenje će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01/07-31-3874/08
22. juni 2009. godine

PREDSJEDAVALA
Nada Mladina

12

Na osnovu člana 4. i 61. Zakona o građevinskom zemljištu Federacije Bosne i Hercegovine (“Službene novine FBiH”, 67/05), člana 26. Statuta općine Tuzla (“Službeni glasnik općine Tuzla”, broj 2/99.), Općinsko vijeće Tuzla, na sjednici od 22. juna 2009. godine donosi

RJEŠENJE

o utvrđivanju prava korištenja gradskog građevinskog zemljišta

I

Utvrđuje se, u korist Alidžanović (Osman) Zlatka iz Tuzle, uz naknadu, pravo korištenja radi građenja poslovnog objekta na gradskom građevinskom zemljištu označenom kao:

- k.č. broj 1040/8, zv. “Novi Grad”; privredna zgrada, površine 32 m², upisana u posjedovni list broj 342 KO Tuzla II, društvena svojina – korisnik općina Tuzla sa 1/1 (stari premjer k.č. broj 1359/16, upisana u zk.ul. broj 4977 KO Tuzla, društvena svojina sa 1/1, vlasništvo Zemljišnog fonda opštenarodna imovina sa 1/1).

II

Alidžanović Zlatko iz Tuzle je obavezan da, u roku od 15 dana od dana pravosnažnosti ovog Rješenja, uplati naknadu za dodijeljeno gradsko građevinsko zemljište poblizje označeno u tački I istog, u iznosu od 6.400,00 KM na namjenski račun Općine Tuzla – Sredstva za uređenje gradskog građevinskog zemljišta, kod “UniCredit Zagrebačke banke” d.d. Tuzla, broj: 3383002200581886, vrsta prihoda 722439 i naknadu za pogodnost lokacije (rentu) za utvrđeno pravo korištenja na zemljištu označenom u tački I dispozitiva ovog Rješenja u iznosu od 2.850,34 KM, na namjenski račun općine Tuzla – Sredstva za uređenje gradskog građevinskog zemljišta, kod “UniCredit Zagrebačke banke” d.d. Tuzla, broj: 3383002200581886, vrsta prihoda 722439.

III

Po Zahtjevu Alidžanović Zlatka iz Tuzle, organ nadležan za evidenciju prava na nekretninama, nakon pravosnažnosti ovog Rješenja, na nekretninama iz tačke I dispozitiva ovog Rješenja, brisat će ranije izvršene upise u pogledu prava na istoj i upisati pravo korištenja radi građenja poslovnog objekta, u korist Alidžanović Zlatka sina Osmana iz Tuzle sa 1/1, ali tek po prilaganju dokaza o izvršenoj uplati naknade iz tačke II ovog Rješenja.

IV

Po Zahtjevu Alidžanović Zlatka iz Tuzle, u postupku evidentiranja izgrađenog objekta iz tačke I ovog Rješenja, u katastarskoj i zemljišno-knjižnoj evidenciji, brisat će se upisi iz tačke III ovog Rješenja i upisati pravo vlasništva u korist Alidžanović Zlatka sina Osmana iz Tuzle, sa 1/1.

V

Alidžanović Zlatko iz Tuzle je obavezan da, u roku od 8(osam) dana od dana prijema ovog Rješenja, na ime naknade troškova postupka, uplati iznos od 30,00 KM, na račun Službe za geodetske i imovinsko-pravne poslove općine Tuzla, broj 132-100-03030100-63, vrsta prihoda 722439, kod NLB “Tuzlanska banka” d.d. Tuzla.

VI

Rješenje će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01/07-31-3544/09
22. juni 2009. godine

PREDSJEDAVALA
Nada Mladina

13

Na osnovu člana 61. Zakona o građevinskom zemljištu (“Službene novine FBiH”, 67/05.) i člana 26. Statuta općine Tuzla (“Službeni glasnik općine Tuzla”, broj 2/99.) Općinsko vijeće Tuzla, na sjednici od 22. juna 2009. godine, donosi

RJEŠENJE

o odbijanju Zahtjeva za utvrđivanje trajnog prava korištenja gradskog građevinskog zemljišta

I

Odbija se, kao neosnovan, Zahtjev Gazibegović (Mustafa) Hasiba iz Tuzle, za utvrđivanje trajnog prava korištenja na izgrađenom gradskom građevinskom zemljištu označenom kao:

- k.č. broj 577/23, zv. “Stambena”, dvorište, površine 27 m², upisano u p.l. broj 537 KO Tuzla 1, društvena svojina sa 1/1, korisnik Rudnici “Kreka” u Tuzli DOO sa 1/1 (po starom premjeru k.č. broj 1930/13 zv. “gradilište” površine 27 m², upisana u z.k. izvadak broj 5017 KO Tuzla, pravo vlasništva u korist opštenarodne imovine sa 1/1 s time da je organ upravljanja Rudnik lignita Kreka).

II

Rješenje će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01/07-31-4106/05
22. juni 2009. godine

PREDSJEDAVALA
Nada Mladina

14

Opcinsko vijeće Tuzla, rješavajući po Zahtjevu JP "Šume Tuzlanskog kantona" d.d. Kladanj, za utvrđivanjem prava korištenja gradskog građevinskog zemljišta, na osnovu članova 4. i 61. Zakona o građevinskom zemljištu Federacije Bosne i Hercegovine ("Službene novine Federacije Bosne i Hercegovine", broj 67/5.), člana 200. Zakona o upravnom postupku ("Službene novine Federacije Bosne i Hercegovine", broj 2/98. i 48/99.), te člana 26. Statuta općine Tuzla, ("Službeni glasnik općine Tuzla", broj 2/99. 9/00. i 2/08.), na sjednici od 22. juna 2009. godine, donosi

RJEŠENJE**o odbijanju Zahtjeva za utvrđivanje prava korištenja gradskog građevinskog zemljišta****I**

Odbija se Zahtjev JP "Šume Tuzlanskog kantona" d.d. Kladanj, za utvrđivanjem prava korištenja gradskog građevinskog zemljišta, označenog kao k.č. broj 711/2 KO Tuzla 11, kao neosnovan.

II

Rješenje će se objaviti u "Službenom glasniku Općine Tuzla".

OPĆINA TUZLA

PREDSJEDAVAJUĆI

Općinsko vijeće

Broj: 01/07-31-4492/08

22. juna 2009. godine

Nada Mladina

15

Na osnovu člana 218. i člana 219. a u vezi sa članom 18. stav 1. Zakona o upravnom postupku ("Službene novine Federacije BiH", broj 2/98. i 48/99.) i člana 13. Odluke o organizaciji organa uprave ("Službeni glasnik općine Tuzla", broj 4/98.) u postupku po Zahtjevu Fisher Razije iz Tuzle, zastupane po advokatu Mirzi Telaloviću iz Tuzle, za provođenje postupka brisanja iz eksploatacionog polja iz registra nekretnina, upisanih u Iskaz III, Općinsko vijeće Tuzla, na sjednici od 22. juna 2009. godine, donosi:

ZAKLJUČAK**o odbijanju Zahtjeva za provođenje postupka brisanja iz eksploatacionog polja iz registra nekretnina****I**

Odbija se Zahtjev Fisher Razije iz Tuzle, zastupane po advokatu Mirzi Telaloviću iz Tuzle, za provođenje postupka brisanja iz eksploatacionog polja iz registra nekretnina, upisanih u Iskaz III zbog stvarne nenadležnosti.

II

Fišer Razija iz Tuzle, obavezna je da, u roku od 8 dana od dana prijema ovog Zaključka, na ime naknade troškova postupka uplati iznos od 30,00 KM, na račun Službe za geodetske i imovinsko-pravne poslove općine Tuzla, broj 132-100-03030100-63, kod NLB "Tuzlanske banke", d.d. Tuzla.

III

Zaključak će se objaviti u "Službenom glasniku Općine Tuzla".

OPĆINA TUZLA

PREDSJEDAVAJUĆI

Općinsko vijeće

Broj: 01/07-31-1173/09

22. juna 2009. godine

Nada Mladina

16

Na osnovu člana 25. stav 2. Zakona o građevinskom zemljištu ("Službene novine FBiH", 67/05.) Općinsko vijeće Tuzla, na sjednici od 22. juna 2009. godine, donosi

ZAKLJUČAK**o neprihvatjanju Ponude za preuzimanje gradskog građevinskog zemljišta****I**

Ne prihvata se Ponuda Čorhodžić-Baraković (Nusret zv. Enes) Nermine iz Tuzle, upućena Općini Tuzla, za preuzimanje neizgrađenog gradskog građevinskog zemljišta označenog kao:

- k.č. broj 1217/1 zv. "GOJTINOVAC", šume 3 klase, površine 1.453 m², upisane u p.l. broj 1902 KO Tuzla III, društvena svojina sa 1/1, korisnik Baraković-Čorhodžić (Enes) Nermina iz Tuzle sa 1/1 (po starom premjeru k.č. broj 1454/1 zv. šuma "Gojtinovac", površine 1.453 m², upisano u z.k. izvadak broj 3666 KO Tuzla, društvena svojina sa 1/1 sa pravom korištenja na zemljištu u korist Baraković Nermine kćeri Nusreta zv. Enesa sa 1/1 i
- k.č. broj 1217/3 zv. "GOJTINOVAC", šume 3 klase, površine 695 m², upisane u posjedovni list broj 1494 KO Tuzla 111, društvena svojina sa 1/1, korisnik Baraković-Čorhodžić (Enes) Nermina iz Tuzle sa 1/1 (stari premjer k.č. broj 1454/3 zv. "Gojtinovac" šuma površine 695 m², upisano u z.k. izvadak broj 466 KO Tuzla, društvena svojina sa 1/1, pravo korištenja na zemljištu, u korist Baraković Nermine kćeri Nusreta zv. Enesa iz Tuzle, sa 1/1).

II

Baraković-Čorhodžić Nermina iz Tuzle može prenijeti pravo korištenja na treća lica, ali ne po cijeni nižoj od 150.000 KM koja je ponuđena Općini.

III

Zaključak će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01/07-31-358/09
22. juni 2009. godine

PREDSJEDAVALAČICA
Nada Mladina

17

Na osnovu člana 104. Poslovnika Općinskog vijeća Tuzla (“Službeni glasnik općine Tuzla”, broj 7/05.), Općinsko vijeće Tuzla, na sjednici od 22. juna 2009. godine, donosi

ZAKLJUČAK

o prihvatanju Informacije o aktivnostima na realizaciji Projekta za prikupljanje, transport i prečišćavanje otpadnih voda u općini Tuzla i davanju saglasnosti za dalje aktivnosti na realizaciji ovog Investicionog projekta

I

Općinsko vijeće Tuzla prihvata Informaciju o aktivnostima na realizaciji Projekta za prikupljanje, transport i prečišćavanje otpadnih voda, podržava inicijativu i daje svoju saglasnost za realizaciju Projekta za prikupljanje, transport i prečišćavanje otpadnih voda u općini Tuzla - I faza.

II

Općinsko vijeće daje saglasnost menadžmentu i nadzornom odboru JKP „Vodovod i kanalizacija“ Tuzla za dalje aktivnosti na realizaciji Projekta za prikupljanje, transport i prečišćavanje otpadnih voda u općini Tuzla.

III

Općinsko vijeće Tuzla ovlašćuje Općinskog načelnika Tuzla da donosi i potpisuje sve potrebne akte iz nadležnosti Općine Tuzla za realizaciju ovog Investicionog projekta, a u skladu s ovlaštenjem dobijenim od strane Općinskog vijeća Tuzla.

IV

Obavezuje se menadžment JKP “Vodovod i kanalizacija” Tuzla i Općinski načelnik Tuzla da, o svim aktivnostima na realizaciji ovog Investicionog projekta, podnesu izvještaj Općinskom vijeću Tuzla.

V

Obavezuje se Nadzorni odbor i menadžment JKP “Vodovod i kanalizacija” Tuzla da kod realizacije ovog Investicionog projekta ispoštuju odredbe Zakona o dugu, zaduživanju i jamstvima u F BiH (“Sl. novine Federacije BiH”, br 86/07. i 24/09.) i Pravilnika o pratećoj dokumentaciji za davanje prethodne saglasnosti za zaduženje kantona, grada, općine ili javnog preduzeća po osnovu vanjskog duga („Sl. novine Federacije BiH“, broj 14/08.).

VI

U Informaciji ispraviti tehničke greške, istu ažurirati i dostaviti Općinskom vijeću.

VII

Zaključak će se objaviti u “Službenom glasniku Općine Tuzla”.

OPĆINA TUZLA
Općinsko vijeće
Broj: 01-23-3857-2009
22. juni 2009. godine

PREDSJEDAVALAČICA
Nada Mladina

II AKTI OPĆINSKOG NAČELNIKA

1

Na osnovu člana 14. Odluke o utvrđivanju kriterija za dodjelu stipendije Općine Tuzla za ostvaren natprosječan uspjeh (“Službeni glasnik Općine Tuzla”, broj 3/02.), člana 39. Statuta Općine Tuzla (“Službeni glasnik Općine Tuzla”, broj 2/99. i 9/00.) i člana 2. Odluke o izmjenama i dopunama Odluke o utvrđivanju kriterija za dodjelu stipendije Općine Tuzla za ostvaren natprosječan uspjeh (“Službeni glasnik općine Tuzla”, broj 1/08.), a na prijedlog Komisije za dodjelu stipendije, Općinski načelnik donosi

ODLUKU

o dodjeli stipendije za ostvaren natprosječan uspjeh

Član 1.

Za ostvaren natprosječan uspjeh u toku školovanja za

školsku 2007./2008.godinu, dodjeljuje se stipendija u visini od 100,00 (stotinu) KM u deset jednakih rata (osim za juli i avgust), sljedećim učenicima srednjih škola:

1. Bećirović Denis, Srednja mašinska škola
2. Halilović Semra, Srednja hemijska škola
3. Kamberović Esmeralda, Srednja medicinska škola
4. Mešković Faris, Srednja rudarska škola
5. Tahto Ema, Gimnazija „Meša Selimović“
6. Zaimović Nedim, Mješovita srednja škola

Član 2.

Za ostvaren natprosječan uspjeh u toku školovanja za školsku 2007./2008. godinu, dodjeljuje se stipendija u visini od 200,00 KM (dvijestotine konvertibilnih maraka) u deset jednakih mjesečnih rata, sljedećim studentima fakulteta:

1. Aličković Jasmina, Ekonomski fakultet
2. Altumbabić Emir, Fakultet za tjelesni odgoj i sport
3. Avdagić Ajla, Pravni fakultet
4. Aziri Nora, Američki fakultet Tuzla
5. Baraković Sabina, Fakultet elektrotehnike
6. Beganović Jasenka, Pravni fakultet
7. Beganović Mahir, Mašinski fakultet
8. Brestovac Marija, Medicinski fakultet
9. Brkić Enida, Pravni fakultet
10. Brkić Lejla, Pravni fakultet
11. Čičko Azra, Medicinski fakultet
12. Čitaković Azra, Medicinski fakultet
13. Dugalić Silvana, Rudarsko-geografski fakultet
14. Gušić Adisa, Fakultet elektrotehnike
15. Hadžihasanović Maja, Pravni fakultet
16. Hadžić Leila, Fakultet elektrotehnike
17. Hasanbegović Edita, Medicinski fakultet
18. Karić Lejla, Pravni fakultet
19. Havić Jasna, Fakultet elektrotehnike
20. Halilčević Damir, Stomatološki fakultet
21. Hujdurović Ademir, Prirodno-matematički fakultet Tuzla
22. Ibrahimović Ervina, Pravni fakultet
23. Ilić Slađana, Filozofski fakultet
24. Ibrić Lejla, Pravni fakultet
25. Ilić Suzana, Ekonomski fakultet
26. Imamović Edin, Pravni fakultet
27. Ibišević Erna, Ekonomski fakultet
28. Jašarević Alma, Parni fakultet
29. Karabegović Ena, Medicinski fakultet
30. Kalesić Lejla, Pravni fakultet
31. Karić Mirela, Ekonomski fakultet
32. Khodary Bedredin, Medicinski fakultet
33. Mulaosmanović Halid, Fakultet Informatičkog inženjstva elektrotehnike u Milanu
34. Mešić Mirna, Ekonomski fakultet
35. Mehmedović Armela, Pravni fakultet
36. Mujanović Majda, Ekonomski fakultet
37. Mujkanović Sabiha, Filozofski fakultet
38. Nadarević Amra, Medicinski fakultet
39. Nišandžić Biljana, Ekonomski fakultet
40. Pranjić Anja, Ekonomski fakultet Tuzla
41. Rekić Amra, Ekonomski fakultet Tuzla
42. Saletović Jasmin, Fakultet elektrotehnike
43. Salihović Renata, Filozofski fakultet
44. Sarajlić Muris, Fakultet elektrotehnike
45. Srabović Suada, Filozofski fakultet
46. Sevanović Gorica, Filozofski fakultet Tuzla
47. Šehić Emir, Filozofski fakultet
48. Šabanović Lejla, Pravni fakultet
49. Terzić Zerina, Prirodno-matematički fakultet
50. Trakilović Milica, Filozofski fakultet
51. Turkeš Renata, Prirodno-matematički fakultet
52. Voloder Muamer, Pravni fakultet Tuzla
53. Ravkić Irma, Fakultet elektrotehnike

Član 3.

Za ostvarene natprosječne rezultate u oblasti sporta u 2008. godini, dodjeljuje se stipendija sljedećim sportistima:

Berber Lejla, K.K. „Tuzla-Sinbra“	150,00 KM
Čatibušić Edina, K.K. „Tuzla-Sinbra“	225,00 KM
Čivić Elma, A.K. „Sloboda-Tehnograd“	225,00 KM
Hajder Ensar, P.K. „Zmaj-Alpam“	150,00 KM
Horozić Jasna, A.K. „Sloboda-Tehnograd“ ..	225,00 KM
Kolanović Maja, K.K. „Tuzla-Sinbra“	150,00 KM
Mišić Jelena, A.K. „Sloboda-Tehnograd“	225,00 KM
Sinanović Nermin, K.K. „Tuzla-Sinbra“	225,00 KM

Član 4.

Za ostvaren natprosječan rezultat u oblasti kulture u 2008. godini, dodjeljuje se stipendija:

Mešković Almir, Muzička akademija	150,00 KM
Ovčina Ena, Srednja muzička škola	225,00 KM
Okanović Emir, Srednja muzička škola	225,00 KM
Redžić Sanel, Muzička akademija	225,00 KM

Član 5.

Stipendije iz člana 1., 2., 3. i 4. ove Odluke će se isplaćivati iz sredstava utvrđenih Budžetom Općine Tuzla za 2009. godinu. Stipendije iz člana 1. i 2. će se isplaćivati u 10 (deset) jednakih mjesečnih rata, a stipendije iz člana 3. i 4. ove Odluke u 12 (dvanaest) jednakih mjesečnih rata od 01. januara do 31. decembra 2009. godine.

Član 6.

Izvršenje ove Odluke će provesti Služba za budžet i finansije Općine Tuzla.

Član 7.

Odluka će se objaviti u „Službenom glasniku Općine Tuzla“.

OPĆINA TUZLA
Općinski načelnik
Broj: 02-14-3291-2009
5. juni 2009. godine

OPĆINSKI NAČELNIK
Jasmin Imamović

2

Na osnovu člana 54. Zakona o organizaciji organa uprave u Federaciji Bosne i Hercegovine („Sl. novine FBiH”, broj 35/05.), člana 46. Statuta općine Tuzla („Sl. glasnik općine Tuzla”, broj 2/99., 9/00. i 2/08.), Općinski načelnik Tuzla, donosi

ODLUKU

o izmjeni Odluke o osnivanju Kabineta Načelnika Općine Tuzla

Član 1.

U nazivu Odluke o osnivanju Kabineta Načelnika Općine Tuzla („Sl. glasnik općine Tuzla”, broj 1/09.), riječi „Kabineta Načelnika Općine Tuzla” zamjenjuju se riječima „Kabineta Općinskog načelnika Tuzla“.

Član 2.

U članu 1. Odluke, riječi „Kabinet Načelnika Općine Tuzla“ zamjenjuju se riječima „Kabinet Općinskog načelnika Tuzla“.

Član 3.

Odluka stupa na snagu danom objavljivanja u „Službenom glasniku Općine Tuzla“.

OPĆINA TUZLA

Općinski načelnik

Broj: 02-05-3774/09

19. juni 2009. godine

OPĆINSKI NAČELNIK

Jasmin Imamović

3

Na osnovu člana 34. Zakona o budžetima u Federaciji Bosne i Hercegovine (“Sl. novine F BiH”, broj 19/06.), člana 39. i 131. Statuta općine Tuzla, (“Sl. glasnik općine Tuzla”, broj 2/99., 9/00. i 2/08.), i člana 16. Odluke o izvršavanju Budžeta općine Tuzla za 2009. godinu (“Sl. glasnik općine Tuzla”, broj 3/09.), a u vezi s Prijedlogom Službe za opću upravu, društvene djelatnosti i povratak, broj: 10-14-5648/09 od 12. 06. 2009. godine, Općinski načelnik Tuzla, donosi

ODLUKU

o izdvajanju sredstava iz Tekuće rezerve Budžeta Općine Tuzla za 2009. godinu, Jogunčić Ljiljani

I

Odobrava se isplata novčanih sredstava iz Budžeta Općine Tuzla za 2009. godinu, pozicija “Tekuća rezerva Budžeta”, u iznosu od 2.678,40 KM.

II

Sredstva iz tačke I ove Odluke se izdvajaju na ime finansijske pomoći Jogunčić Ljiljani, za pokrivanje dijela troškova liječenja, a na osnovu Prijedloga Službe za opću upravu, društvene djelatnosti i povratak, broj: 10-14-5648/09 od 12. 06. 2009. godine, za nabavku lijekova za liječenje teške bolesti, a po predračunu JZU Univerzitetski klinički centar Tuzla, broj 34 od 10. 06. 2009. godine.

III

Za izvršenje ove Odluke se zadužuje Služba za budžet i finansije, koja će navedena sredstva uplatiti na žiroračun Jogunčić Ljiljane, broj: 132-73-00000000566, partija: 21-10-000588087, otvoren kod NLB “Tuzlanska banka” d.d. Tuzla.

IV

Odluka stupa na snagu danom donošenja i bit će objavljena u “Službenom glasniku Općine Tuzla”.

OPĆINA TUZLA

Općinski načelnik

Broj: 02-14-3658-2009

15. juni 2009. godine

OPĆINSKI NAČELNIK

Jasmin Imamović

SADRŽAJ**“Službenog glasnika općine Tuzla”, broj 6/2009****I AKTI OPĆINSKOG VIJEĆA TUZLA**

1. Odluka o objavljivanju općinskih propisa i drugih akata u „Službenom glasniku Općine Tuzla“	445
2. Odluka o izmjenama i dopunama Odluke o javnim priznanjima Tuzle	275
3. Odluka o promjeni statusa nepokretnosti	275
4. Odluka o promjeni statusa nepokretnosti	276
5. Odluka o promjeni statusa nepokretnosti	276
6. Rješenje o imenovanju Komisije za izmjenu granica katastarskih općina u Općini Tuzla	276
7. Rješenje o imenovanju Komisije za izmjenu granica katastarskih općina u Općini Tuzla	277
8. Rješenje o imenovanju predsjednika i članova Komisije za provođenje javnog oglasa o davanju u zakup općinskih poslovnih prostorija	277
9. Rješenje o imenovanju predsjednika i članova Komisije za provođenje javnog konkursa za dodjelu građevinskog zemljišta	278
10. Rješenje o utvrđivanju prava korištenja gradskog građevinskog zemljišta	278
11. Rješenje o utvrđivanju prava korištenja gradskog građevinskog zemljišta	279
12. Rješenje o utvrđivanju prava korištenja gradskog građevinskog zemljišta	280

13. Rješenje o odbijanju Zahtjeva za utvrđivanje trajnog prava korištenja gradskog građevinskog zemljišta	280
14. Rješenje o odbijanju Zahtjeva za utvrđivanje prava korištenja gradskog građevinskog zemljišta	281
15. Zaključak o odbijanju Zahtjeva za provođenje postupka brisanja iz eksploatacionog polja iz registra nekretnina	281
16. Zaključak o neprihvatanju Ponude za preuzimanje gradskog građevinskog zemljišta	281
17. Zaključak o prihvatanju Informacije o aktivnostima na realizaciji Projekta za prikupljanje, transport i prečišćavanje otpadnih voda u općini Tuzla i davanju saglasnosti za dalje aktivnosti na realizaciji ovog Investicionog projekta	282

II AKTI OPĆINSKOG NAČELNIKA TUZLA

1. Odluka o dodjeli stipendije za ostvaren natprosječan uspjeh	283
2. Odluka o izmjeni Odluke o osnivanju Kabineta Načelnika Općine Tuzla	284
3. Odluka o izdvajanju sredstava iz Tekuće rezerve Budžeta Općine Tuzla za 2009. godinu, Jogunčić Ljiljani	284